



An Roinn Oideachais
Department of Education

Clár Samhraidh 2023 'Muinín agus Naisc a Chothú'

Iar-bhunscoileanna

Forbhreathnú — Téarmaí agus
Coinníollacha

Clár Ábhair

Cúlra	4
Clár Oideachais Samhraidh 2023	4
Téama don Chlár Samhraidh 2023	5
Cad atá nua le haghaidh 2023	5
Tacaíocht do scoileanna chun an clár a thairiscint.	5
1. An Scéim Iar-Bhunscoile	7
Incháilitheacht dalta	7
Fad na Scéime	9
Leithdháileadh foirne – An líon grúpaí	9
Íoslíon na nDaltaí a theastaíonn	10
2. An próiseas iarratais	11
An Tairseach Clárúcháin ar Líne	11
Achomhairc um Leithdháileadh Acmhainní	11
3. Acmhainní Foirne	12
Ról an Eagraí	12
Ról Bhainisteoir an Chláir Shamhraidh	13
Ról an Mhúinteora	14
Ról an Chúntóra Riachtanas Speisialta (CRS)	14
Foireann sheachtrach a earcú	14
Múinteoirí iarchéime a earcú	15
Earcú múinteoirí faoi oiliúint PME	15
Múinteoirí fochéime faoi oiliúint a earcú	15
4. Eolas faoin bhfoireann	17
Rátaí íocaíochta	17
Rátaí ionadacha pá a chur in ionad rátaí pá	Error! Bookmark not defined.
Incháilitheacht múinteoirí/NAAnna ar shaoire cheadaithe	17
Múinteoirí ar scor	17
5. Próiseas íocaíochta	18
6. Tacaíochtaí breise	19
Íocaíocht Deontais don Chlár Samhraidh	19
Iompar	19
7. Tuilleadh eolais	21
Cosaint Leanaí	21
Gaeilge	21
Treoirínte Sláinte Poiblí	22

Fad an lae scoile	22
Ceisteanna agus Tacaíocht	22

Cúlra

Clár Oideachais Samhraidh 2023

Tá Clár Samhraidh na bliana seo ag tógáil ar chláir 2021 agus 2022. Is é príomhthosaíocht Chlár Samhraidh 2023 a chinntiú go mbeidh rochtain ag mic léinn a bhfuil na riachtanais oideachais speisialta is casta acu ar chlár samhraidh scoilbhunaithe. Rinneadh clár na bliana seo a dhearadh agus a fhorbairt chun a chinntiú go ndírítear ar thacaíochtaí chun cabhrú le mic léinn a bhfuil riachtanais oideachais speisialta chasta acu.

Is iad aidhmeanna an chláir ná tacú le folláine na ndaltaí trína muinín a chothú agus trína nasc lena scoil agus lena bpiaraí a fheabhsú. Féachann sé freisin le tacaíocht a thabhairt do leanaí agus do dhaoine óga atá ag céimeanna aistrithe tábhachtacha ina n-oideachas chun dul ar aghaidh chuig an socrúchán oideachais atá beartaithe acu i mí Mheán Fómhair.

Bhí iarmhairtí díobhálacha ag paidéim COVID-19 agus ag an gcur isteach ar an oideachas a bhaineann léi ar go leor leanaí agus ar a dteaghlaigh. Bhí tionchar níos mó ar leanaí a bhfuil riachtanais speisialta oideachais acu agus orthu siúd is mó atá i mbaol míbhuntáiste oideachais. Mar gheall ar an mbriseadh ar ghnáthamh rialta na scoile, ar an idirghníomhaíocht shóisialta le cairde agus ar thacaíochtaí scoile eile, bhí baol ann go dtarlódh cúlchéimniú i bhfoghlaím, i bhforbairt shóisialta agus mhothúcháinach agus i bhfolláine na bpáistí seo.

Molann an Roinn Oideachais do gach scoil aitheanta an tionscnamh a reáchtáil le linn laethanta saoire an tsamhraidh ag am atá oiriúnach do bhaill foirne agus do mhic léinn.

Tá an Roinn Oideachais ag lorg rannpháirtíocht na n-iar-bhunscoileanna uile i soláthar Chlár Samhraidh 2023.

Nóta: ní thagraíonn scoil ach do scoil faoi mar atá aitheanta faoi Alt 10 (3) den Acht Oideachais 1998.

Téama don Chlár Samhraidh 2023

Is é téama chlár na bliana seo ‘Muinín agus Naisc a Chothú’.

Tá sé i gceist go mbeidh an Clár Samhraidh ina thaithí thaitneamhach do mhic léinn agus do bhaill foirne araon. Ba chóir go léireodh an réimse gníomhaíochtaí téama na bliana seo agus deiseanna do rannpháirtíocht dalta-lárnach, bunaithe ar an súgradh. Is féidir leis sin cabhrú le scoileanna an fócas a aistriú ó mhothúcháin anacair ar bith agus deis a thabhairt do dhaltaí taitneamh a bhaint as an nóiméad seo agus súil a chaitheamh chun cinn le dóchas trí ‘Muinín agus Naisc a Chothú’.

Beidh ar Eagraí Chlár Samhraidh na scoile freastal ar oiliúint ar líne a bheidh á éascú ag Ionad Tacaíochta Oideachais Thrá Lí. Cuirfear fóram comhoibritheach ar fáil freisin chun tacú le heagraithe taithí agus saineolas a roinnt.

Cuirfear tacaíochtaí, treoir agus ábhar oiliúna ar fáil do scoileanna agus do bhaill foirne chun cuidiú le clár na bliana seo a fhorbairt agus a sheachadadh

Cad atá nua le haghaidh 2023

Tugann clár na bliana seo **ról nua d'Eagraí** isteach freisin, a thiocfaidh in áit na n-uaireanta ullmhúcháin sna blianta roimhe seo, chun tacú le scoileanna ina bpleanáil agus ina rannpháirtíocht sa Chlár Samhraidh. Chomh maith leis sin, tá teideal ról an mhaoirseora ag athrú go ról mar **Bhainisteoir Clár Samhraidh** agus fanann na feidhmeanna don ról seo mar an gcéanna le blianta athbheochana. Tá tuilleadh sonraí maidir leis na ról seo ar fáil i [gCuid 3](#) den cháipéis seo.

Soláthraítear acmhainní agus beart eile sa roinn thíos.

Tacaíocht do scoileanna chun an clár a thairiscint.

Tá sraith leathan tacaíochtaí curtha i bhfeidhm chun scoileanna a spreagadh agus a éascú chun an clár a thairiscint. Tá na bearta sin ceaptha chun solúbthacht a chur ar fáil agus chun cabhrú le bainistíocht i ndáil le cúraimí riaracháin. Áirítear ar na tacaíochtaí freisin íocaíocht foirne scoile níos luaithe trí ESINET agus maoiniú a chur ar fáil do scoileanna chun ullmhú, comhordú agus maoirseacht na gclár a éascú. Tá tuilleadh sonraí maidir le próiseas íocaíochta ESINET ar fáil i [gCuid 5](#) den cháipéis seo.

Maidir le soláthar foirne, tá múinteoirí nuacháilithe agus múinteoirí fochéime faoi oiliúint atá cláraithe leis an gComhairle Mhúinteoireachta faoi Bhealach 5 incháilithe le bheith fostaithe ar an gClár Samhraidh. Tá sé oscailte freisin do scoileanna baill foirne a bhfuil na cáilíochtaí cuí acu a earcú do ról an Chúntóra Riachtanas Speisialta. Tá tuilleadh sonraí maidir le soláthar foirne ar fáil i [gCuid 3](#) den cháipéis seo.

Cé gur mhaith le roinnt príomhoidí leanúint ar aghaidh leis an gclár a eagrú agus a reáchtáil ina gcuid scoileanna, cosúil leis na blianta roimhe sin, ceadáíonn Clár Samhraidh 2023 do phríomhoidí na feidhmeanna sin a tharmhligean chuig baill foirne eile.

Tá ról an **Eagraí** nua á thabhairt isteach ionas gur féidir le boird bhainistíochta agus príomhoidí scoile freagrachtaí a shannadh maidir le pleanáil agus ullmhú clár ag céim i bhfad níos luaithe ina scoilbhliain. Bíonn ról mar **Bhainisteoir Clár Samhraidh** ann freisin i rith an tsamhraidh nuair a bhíonn an clár ar siúl sa scoil. Moltar do phríomhoidí dul i dteagmháil le baill foirne chun na freagrachtaí sin a ghlacadh orthu féin chun a n-ualach oibre féin a mhaolú agus chun ceannaireacht dailte a chur chun cinn.

Cuireann ról an Eagraí agus Bhainisteoir an Chláir Shamhraidh deis ghairmiúil spreagúil ar fáil do mhúinteoirí chun a gcuid scileanna ceannaireachta a fhorbairt agus taithí bhainistíochta a fháil ag leibhéal scoile uile agus ag leibhéal forbartha gairme araon. Déanfar na ról sin a leagan amach ar bhealach níos mionsonraithe i [gCuid 3](#) den doiciméad seo.

1. An Scéim Iar-Bhunscoile

Incháilitheacht dalta

Tá an Scéim Iar-bhunscoile oscailte do mhic léinn atá cláraithe i ranganna speisialta, do mhic léinn a bhfuil riachtanais chasta speisialta oideachais acu i ranganna príomhshrutha agus dóibh siúd is mó atá i mbaol míbhuntáiste oideachais.

Ba chóir d'iar-bhunscoileanna a bhfuil ranganna speisialta á reáchtáil acu Scéim Iar-Bhunscoile tosaíocht a thabhairt do dhaltai i ranganna speisialta agus áiteanna á sannadh acu dá gclár. Tá gach dalta a fhreastalaíonn ar ranganna speisialta i dteideal páirt a ghlacadh i gclár samhraidh na scoile.

Is féidir áiteanna ina dhiaidh sin a thabhairt do dhaltai a bhfuil riachtanais speisialta oideachais casta acu i ranganna príomhshrutha agus na háiteanna eile ar an gclár á dtairiscint dóibh siúd is mó atá i mbaol míbhuntáiste oideachais.

I scoileanna príomhshrutha nach bhfuil ranganna speisialta acu, tacóidh an clár scoilbhunaithe le daltaí i ngrúpaí de suas le dáréag leanbh. Agus cinneadh á dhéanamh maidir le hincháilitheacht don chlár, ba chóir tosaíocht a thabhairt do dhaltai a bhfuil riachtanais speisialta oideachais casta acu i ranganna príomhshrutha agus na háiteanna eile ar an gclár á dtairiscint dóibh siúd is mó atá i mbaol míbhuntáiste oideachais.

Chun críocha na Scéime Iar-bhunscoile, sainmhínítear mic léinn a bhfuil riachtanais chasta speisialta oideachais acu i ranganna príomhshrutha mar seo a leanas:

1. Gach dalta atá cláraithe i ranganna speisialta.
2. Daltai a chuireann na riachtanais is suntasaí i láthair i ranganna príomhshrutha i mbunscoileanna nó in iar-bhunscoileanna atá ag teacht ar an leibhéal is airde den Leanúntas Tacaíochta (Tacaíocht Scoile Plus).¹ Áireofar leis seo líon beag scoláirí a bhfuil riachtanais mharthanacha acu a théann i bhfeidhm go mór ar a gcumas foghlama, feidhmiú go neamhspleách agus páirt a ghlacadh san oideachas.

Bíonn cláir foghlama atá curtha in oiriúint go speisialta dóibh agus difreálte de dhíth ar na scoláirí seo, cláir atá an-difriúil óna bpiaraí. Is féidir leis na daltaí seo a leanas a chur i láthair:

- Riachtanais shuntasacha le feidhmiú fisiciúil agus/nó céadfach (lena n-áirítear daltaí atá Bodhar nó a bhfuil caillteanas éisteachta as cuimse acu agus daltaí atá dall nó a bhfuil lagú amhairc as cuimse orthu)


¹ Féach Treoirínte d'Iar-bhunscoileanna Ag Tacú le Daltai a bhfuil Riachtanais Speisialta Oideachais acu i Scoileanna Príomhshrutha chun treoir a fháil maidir le riachtanais daltaí a aithint agus freagairt dóibh mar chuid den Leanúntas Tacaíochta, a chuireann samplaí oibre ar fáil

- <https://www.gov.ie/ga/foilsuichan/86519-ag-tacu-le-daltai-a-bhfuil-riachtanais-speisialta-oideachais-acu-treoirinte-do-scoileanna/>

- Riachtanais shuntasacha i bhfeidhmiú cognaíoch agus scileanna neamhspleáchais/maireachtála laethúla (lena n-áirítear daltaí a bhfuil míchumas foghlama measartha NÓ trom/domhain orthu)
- Riachtanais shuntasacha sa chumarsáid shóisialta, idirghníomhú sóisialta in éineacht le patrúin iompair dochta atriallacha
- Daltaí a bhfuil uathachas orthu
- daltaí le siondróm Down
- Scoláirí a bhfuil dianriachtanais iompraíochta mhothúchána acu, sa mhéid is go bhfuil tionchar ag na hiompraíochtaí inní seo ar chumas an scoláire foghlaim, feidhmiú go neamhspleách agus páirt iomlán a ghlacadh i saol na scoile.

Nóta Contanam Tacaíochta :—

Tá an creat Contanam Tacaíochta leagtha amach ag an Roinn Oideachais([ar fáil anseo](#)) chun cabhrú le scoileanna riachtanais na ndaltaí a aithint agus freagairt dóibh. Aithnítear sa chreat seo go dtarlaíonn riachtanais speisialta oideachais feadh contanaim, ó riachtanais éadroma go dianriachtanais, agus ó riachtanais neamhbhuana go riachtanais fadtéarma, agus go dteastaíonn leibhéil éagsúla tacaíochta ó dhaltaí ag brath ar a riachtanais oideachais aitheanta. Is samhail réiteach fadhbanna é an Leanúntas Tacaíochta den mheasúnú agus den idirghabháil a chuireann ar chumas gach scoile sonraí a bhailiú agus a anailísiú, chomh maith le dul chun cinn na ndaltaí aonair a phleanáil agus a athbhreithniú. Trí úsáid a bhaint as an gcreat sin, cabhraítear lena áirithiú go mbeidh idirghabhálacha céimneacha, ag aistriú ó idirghabhálacha rangbhunaithe go tacaíocht níos déine agus níos indibhidiúlaithe, agus go mbeidh siad bunaithe ar fhaireachán cúramach ar an dul chun cinn. Tugann Treoirínte na Roinne d'Iar-Bhunscoileanna ag Tacú le Scoláirí a bhfuil Riachtanais Speisialta Oideachais acu i Scoileanna Príomhshrutha ([ar fáil anseo](#)) treoir do scoileanna maidir le riachtanais na ndaltaí a aithint agus freagairt dóibh mar chuid den chreatlach Leanúnach Tacaíochta.



Seo a leanas treoir chun cabhrú le scoileanna daltaí a roghnú do na háiteanna eile tar éis an leithdháilte ar dhaltáí a bhfuil riachtanais oideachais speisialta chasta acu i ranganna príomhshruitha:

Ní liosta uileghabhálach é seo ach tá sé beartaithe é a bheith mar threoirlíne.

- Daltaí a d'aithin an scoil cheana féin mar na daltaí is mó atá i mbaol míbhuntáiste oideachais agus atá i mbaol luathfhágáil na scoile
- Daltaí ag fáil tacaíochtaí scoile MOS nó CRS le linn na scoilbhliana
- Tugann Scéime Iar-bhunscoile deis freisin do scoileanna aghaidh a thabhairt ar riachtanais na ndaltaí imirceacha ar nós tabhairt faoi scoileanna Béarla agus imeascadh, lena n-áirítear daltaí a tháinig go hÉirinn ón Úcráin agus ó thíortha eile
- Daltaí ón Lucht Siúil agus ón bpobal Romach

Is iad na scoileanna is fearr agus is acusan atá an neamhspleáchas chun a chinneadh cé na daltaí is dóichí a bheidh i mbaol míbhuntáiste oideachais. Is iad na scoileanna is fearr atá in ann a chinneadh conas a réachtálfar an scéim seo chun freastal ar riachtanais a gcóhort daltaí.

Ní bheidh clár baile-bhunaithe ar fáil ach amháin do dhaltáí a bhfuil riachtanais chasta speisialta oideachais acu nuair nach bhfuil a scoil ag réachtáil Clár Samhraidh nó mura bhfuil fáil ar chlár scoilbhunaithe.

Fad na Scéime

Ba chóir go mbeadh an Scéim Iar-bhunscoile ar siúl ar feadh 2 sheachtain i rith laethanta saoire an tsamhraidh. Ní gá go mbeadh na seachtainí as a chéile, tá an scéim solúbtha chun ligean do scoileanna na seachtainí is fearr a roghnú a oireann dá riachtanais agus dá n-infhaghteacht foirne. Ní féidir an scéim a réachtáil ar an deireadh seachtaine ná ar Lá Saoire Bainc.

Leithdháileadh foirne – An líon grúpaí

Daltaí atá cláraithe i ranganna speisialta	Is ionann an fhoireann (múinteoirí agus CRSanna) agus leithdháileadh acmhainne an ranga speisialta a bhíonn ann i rith na scoilbhliana m.sh. Dalta cláraithe i rang speisialta do leanaí ar a bhfuil Uathachas acu: Is é an cóimheas Dalta/Múinteora do Chláir Samhraidh ná 6:1 agus beirt CRSanna.
Daltaí a bhfuil riachtanais speisialta oideachais casta acu agus/nó daltaí atá i mbaol míbhuntáiste oideachais atá cláraithe i ranganna príomhshruitha ****	Is é an cóimheas Dalta-Múinteora ná 12:1 móide CRS amháin

Comhghrúpa daltaí le socrúcháin ranga speisialta agus daltaí incháilithe le riachtanais speisialta oideachais chasta agus/nó iad siúd atá i mbaol míbhuntáiste oideachais atá i socrúcháin ranga príomhshrutha	Is ionann an fhoireann (múinteoirí agus CRSanna) agus leithdháileadh acmhainne an ranga speisialta a bhíonn ann i rith na scoilbhliana m.sh. Dalta cláraithe i rang speisialta do leanaí ar a bhfuil Uathachas acu: Is é an cóimheas Dalta/Múinteora do Chláir Samhraidh ná 6:1 agus beirt CRSanna
Tá cur chuige na Roinne ceaptha le bheith solúbtha ar mhaithe leis an líon scoileanna rannpháirteacha a uasmhéadú. Má bhíonn aon cheisteanna agat maidir leis na tairseacha íosta, seol ríomhphost chuig schoolsummerprogramme@education.gov.ie ****Má shanntar níos mó ná sé áit do dhaltaí a bhfuil riachtanais oideachais speisialta casta acu is féidir leis an scoil grúpa(i) breise a bhunú trí ríomhphost a chur chuig an Roinn chun cead a fháil grúpa(i) breise a chruthú.	

Íoslíon na nDaltaí a theastaíonn

Táthar ag súil go mbeidh ar a laghad ceathrar daltaí in aghaidh an ranga sa Scéim Iar-bhunscoile.

Tá sé i gceist go mbeidh cur chuige na Roinne solúbtha chun líon na scoileanna agus na ndaltaí atá rannpháirteach a uasmhéadú. Má bhíonn aon cheist ag scoileanna maidir le híostairseacha, déan teagmháil le schoolsummerprogramme@education.gov.ie

2. An próiseas iarratais

An Tairseach Clárúcháin ar Líne

Ní mór d'iar-bhunscoileanna ar mian leo páirt a ghlacadh i gClár Samhraidh 2023 clárú ar Thairseach Clárúcháin Ar Líne Iar-bhunscoile na Roinne.

Beidh an tairseach ar fáil ar www.gov.ie/summerprogramme go luath tar éis sheoladh an chláir chun deis a thabhairt do scoileanna machnamh a dhéanamh ar an scála cláir is féidir leo a réachtáil. Cuirfear dáta oscailte na tairsí in iúl do scoileanna leis an nasc cuí.

Tar éis clárúcháin, eiseofar ríomhphoist smachtbhannaí chuig scoileanna ag cur síos ar na hacmhainní atá ceadaithe.

Achomhairc um Leithdháileadh Acmhainní

Má bhíonn ceist ag scoil nó más mian léi achomharc a dhéanamh le haghaidh foirne breise, lena n-áirítear tacaíocht CRS, ba cheart dá nEagraí teagmháil a dhéanamh le schoolsummerprogramme@education.gov.ie agus bunús an achomhairc a leagan amach sula gcuirtear tús lena gclár.

Cuirfear na spriocdhátaí d'achomhairc in iúl do scoileanna nuair a osclaíonn an tairseach clárúcháin.

3. Acmhainní Foirne

Níl ról an **Eagraí** agus an **Bhainisteora** teoranta do phríomhoide na scoile. Moltar go bhforbrófaí na ról seo laistigh den scoil chun ualach oibre a mhaolú

Cruthaíonn na ról seo deiseanna nua forbartha agus ceannaireachta don fhoireann scoile agus fás i gceannaireacht dháilte laistigh de scoileanna.

Ról an Eagraí

Is féidir le haon mhúinteoir buan nó ar théarma seasta, an príomhoide san áireamh, an ról nua mar Eagraí a dhéanamh sa scoil rannpháirteach agus tá sé teoranta do dhuine amháin sa scoil. Beidh ollíocaíocht €2,000 ag gabháil leis an ról do scoileanna rannpháirteacha amháin, agus is féidir é a éileamh nuair a chuirfear tús le clár a scoile. Tabharfaidh an tEagraí faoi dhualgais ar leith mar a leagtar amach thíos.

Táthar ag súil go n-áireofar leis an gcuid is mó d'obair an Eagraí obair ullmhúcháin don chlár a thosóidh i mí Feabhra 2023 go dtí tús an Chláir Shamhraidh.

Ba cheart uaireanta an chloig a bhaineann leis an ról seo a thaifeadadh agus féadfar iad a úsáid le haghaidh cuid de na gníomhaíochtaí seo a leanas nó le haghaidh gach ceann díobh:

- Dul i ngleic le hoiliúint ghaolmhar an Chláir Shamhraidh a chuireann an Roinn agus/nó gníomhaireachtaí eile ar fáil.
- Eolas a thabhairt do mhúinteoirí/SNAnna ar ábhair threoracha agus ar acmhainní a chuireann an Roinn ar fáil.
- Foireann a earcú le bheith ag obair ar an gclár samhraidh, go himmheánach agus go seachtrach araon
- Sa chás go bhfuil scoileanna ag baint úsáid as foireann sheachtrach, nósanna imeachta a bhunú chun éascú a dhéanamh ar chomhroinnt na faisnéise ábhartha do mhic léinn, doiciméadú pleanála cuí agus sonraí faoi pholasaithe agus nósanna imeachta scoile do bhaill foirne nua nó do bhaill foirne nach bhfuil cur amach acu ar na daltaí.
- Oibriú i gcomhar le pearsanra na scoile chun na daltaí ar cheart dóibh páirt a ghlacadh sa chlár scoilbhunaithe a aithint agus cumarsáid a dhéanamh lena dtuismitheoirí/caomhnóirí.
- Clár agus gníomhaíochtaí samhraidh na scoile a fhorbairt de réir théama na bliana seo.
- Clár ama a fhorbairt don Chlár Samhraidh.
- I gcás inar gá sin, socruithe a dhéanamh le haghaidh iompair.
- Déan teagmháil le Riarthóir Áitiúil Esinet na scoile chun a chinntiú go mbeidh baill foirne sheachtracha ar liosta acmhainní/foireann na scoileanna. Ní mór é seo a dhéanamh sula dtagann Bainisteoir an Chláir Shamhraidh i gceannas.

Beidh comhoibriú de dhíth idir an Eagraí agus Bainisteoir Chlár Samhraidh na scoile sula gcuirfear tús le gach scéim chun tacú le soláthar an Chláir Shamhraidh sa scoil. Tá an t-aistriú

dualgas seo chuig Bainisteoir an Chláir Shamhraidh ag teastáil mar chuid d'obair ullmhúcháin an Eagraí.

Ról Bhainisteoir an Chláir Shamhraidh

Is ionann ról Bhainisteoir an Chláir Shamhraidh agus athrú sa teideal ó Ról an Mhaoirseora anuraidh.

Ní mór do gach scoil Bainisteoir a cheapadh don Chlár Samhraidh. Is féidir le múinteoir ar bith ar théarma buan nó ar théarma seasta tabhairt faoi ról Bhainisteoir an Chláir Shamhraidh, lena n-áirítear an príomhoide agus Eagraí an Chláir Shamhraidh sa scoil rannpháirteach.

Is féidir ról Bainisteoir an Chláir Shamhraidh a roinnt idir níos mó ná múinteoir buan amháin sa scoil, ach ní féidir ach le Bainisteoir amháin a bheith ag obair sa chái sin sa scoil in aon lá amháin. Ní íocfar le gach Bainisteoir ach laethanta/seachtainí an chláir a oibríonn siad sa ról.

Níl cead ag Bainisteoir an Chláir Shamhraidh páirt a ghlacadh sa chlár i ról teagaisc toisc go mbeidh siad freagrach as an gclár a bhainistiú agus a stiúradh laistigh den scoil.

Ní mór don Bhainisteoir/na Bainisteoirí a bheith i lathair ar feadh thréimhse iomlán an chláir chun déileáil le haon saincheistanna a d'fhéadfadh teacht chun cinn.

Níl an ról mar Bhainisteoir an Chláir Shamhraidh teoranta do na dualgais seo a leanas:

- Feidhmiú mar phointe teagmhála don Roinn agus/nó don Ionad Oideachais agus do thuismitheoirí maidir leis an gClár Samhraidh
- Gníomhú i ról idirchaidrimh le baill foirne eile atá ag obair ar an gclár maidir le saincheistanna ar bith a d'fhéadfadh a bheith acu
- Bunú agus cinntiú go bhfeidhmíonn a gclár laistigh d'acmhainní de réir mar atá ceadaithe ag an Roinn
- Nuair is infheidhme, déileáil le haon saincheistanna a bhaineann le seirbhísí iompair do mhic léinn rannpháirteacha
- Tuairisceáin chuif a chinntiú don Roinn maidir le luach saothair múinteoirí, Cúntóirí Riachtanas Speisialta, Eagraí agus Bainisteoir ar nó roimh na spriocdhátaí atá foilsithe
- A chinntiú go n-eisítear gach ball foirne a bhfuil baint acu leis an bpróiseas íocaíochta le haon cháipéisíocht treorach ábhartha a chuireann an Roinn ar fáil
- Éilimh a chur faoi bhráid na Roinne nó an Ionaid Oideachais ar íocaíochtaí caipitíochta/deontais agus ar aon chostais iompair
- A chinntiú go ndéantar aon ábhar meastóireachta ar an gClár Samhraidh a chomhlánú agus a chur ar ais chuig an Roinn, lena n-áirítear ceistneoirí meastóireachta ar líne

Ról an Mhúinteora

Go hidéalach, gheobhaidh scoileanna a bhfuil an clár samhraidh á thairiscint acu cúnamh ó mhúinteoirí a bhfuil cur amach acu ar riachtanais na bpáistí nó na ndaoine óga atá i láthair. Sa chás go bhfuil an taithí sin ag múinteoirí beidh sé níos éasca dóibh tosaíochtaí foghlama a bhunú atá ailínithe le pleananna tacaíochta atá ann cheana agus clár tacaíochta a dhearadh atá deartha chun nasc leis an scoil a choinneáil. Nuair a fhostaítear múinteoirí eile, ba chóir go lorgódh na múinteoirí seo rochtain ar an bplean tacaíochta is déanaí do na daltaí chun cabhrú leo tosaíochtaí foghlama a bhunú. Ba chóir do mhúinteoirí taifead a choinneáil ar ábhar agus ar scileanna a mhúinteoir le linn an Chláir Shamhraidh agus achoimre air seo a chur ar fáil don scoil agus do na tuismitheoirí, de réir mar is cuí.

Ról an Chúntóra Riachtanas Speisialta (CRS)

Nuair is féidir, ba cheart do scoileanna a bhfuil an Clár Samhraidh á thairiscint acu iarracht a dhéanamh rannpháirtíocht Chúntóirí Riachtanas Speisialta a bhfuil cur amach acu ar na daltaí a bheidh ag freastal ar a chinntiú. Ba chóir go leanfadh ról agus dualgais na gCúntóirí Riachtanas Speisialta le linn an chláir shamhraidh de bheith ag teacht leis na ról atá leagtha amach i bpolasaí SEN na scoile agus go léiríonn siad na pleananna cúraim atá ann cheana do na scoláirí. Ba cheart béim ar leith a leagan ar fhreastal ar riachtanais sláinte agus cúraim agus ar neamhspleáchas a chothú.

Ní mór do Chúntóirí Riachtanas Speisialta a bheith 17 mbliana d'aois ar a laghad chun oibriú ar an gClár Samhraidh

Foireann sheachtrach a earcú

Is féidir le scoileanna múinteoirí agus/nó Cúntóirí Riachtanas Speisialta a fhostú ó lasmuigh dá scoil mura bhfuil an fhoireann atá fostaithe de ghnáth ag an scoil ar fáil d'aon cheann nó gach ceann de na cláir shamhraidh.

Moltar do scoileanna nósanna imeachta a bhunú chun éascú a dhéanamh ar chomhroinnt faisnéise faoi dhaltaí, doiciméadú pleanála ábhartha agus sonraí faoi pholasaithe agus nósanna imeachta scoile do mhúinteoirí nua nó do mhúinteoirí nach bhfuil cur amach acu ar na daltaí. Cuirfear tuilleadh treorach ar fáil do scoileanna agus dá nEagraíochtaí mar chuid de thacaíochtaí do Chlár Samhraidh 2023.

Cuirfidh Líonra na Comhairle Múinteoireachta agus Príomhoidí Bunscoile na hÉireann (IPPN) an clár samhraidh chun cinn le múinteoirí iarchéime, múinteoirí faoi oiliúint Máistreachta Gairmiúla san Oideachas (PME) agus mic léinn fochéime atá cláraithe faoi Bhealach 5 chun an soláthar múinteoirí atá ar fáil a mhéadú an samhraidh seo. Tá tuilleadh eolais ar fáil do gach catagóir múinteora sna rannóga ábhartha thíos.

Chun cabhrú le múinteoirí agus Cúntóirí Riachtanas Speisialta folúntais i gcláir samhraidh a aithint i scoileanna, tá Clár Fógraí um Sholáthar Samhraidh cruthaithe ag an IPPN. Is féidir féachaint ar na cláir fógraí seo trí chuntas a chruthú ar www.educationposts.ie. Cabhróidh sé seo le scoileanna baill foirne ábhartha a aimsiú ina gceantar áitiúil.

Ní mór do scoileanna cloí le gnáthnósanna imeachta earcaíochta agus grinnfhiosrúcháin i bhfostaíocht gach ball foirne.

Múinteoirí iarchéime a earcú

Is féidir le múinteoirí iarchéime oibriú ar an gClár Samhraidh má tá tús curtha acu lena bpróiseas clárúcháin leis an gComhairle Mhúinteoireachta agus sa chás go gcomhlíontar na coinníollacha seo a leanas:

1. Go mbeidh a dtorthaí deiridh faighte acu óna dheimhniú IAO go bhfuil siad incháilithe le haghaidh clárúcháin leis an gComhairle Mhúinteoireachta
2. Go mbeidh grinnfhiosrúchán an Gharda Síochána curtha i gcrích mar chuid dá n-iarratas ar chlárú leis an gComhairle Mhúinteoireachta.
3. Go mbeidh a gclárú leis an gComhairle críochnaithe roimh an 06 Deireadh Fómhair 2023.

Íocfar múinteoirí a chomhlíonann na coinníollacha thuas agus nach bhfuil a gclárú ón gComhairle Mhúinteoireachta curtha i gcrích acu, ag an ráta neamhcháilithe as a rannpháirtíocht sa chlár. Ní féidir ach le múinteoirí atá cláraithe faoi Bhealach Iar-Bunscoile 2 an ráta cáilithe iar-bhunscoile a a bheith íoctha ón dáta clárúcháin mar a mhol an Chomhairle Mhúinteoireachta.

Earcú múinteoirí faoi oiliúint PME

Is féidir le múinteoir atá cláraithe leis an gComhairle Mhúinteoireachta faoi Bhealach 3 Breisoideachas a bheith ag obair ar an gclár samhraidh.

Is féidir le múinteoirí faoi oiliúint MGO atá i mBliain 1 den chlár faoi láthair, a bhfuil iarratas déanta acu ar chlárú leis an gComhairle Mhúinteoireachta faoin mBreisoideachas, a bheith fostaithe ag iar-bhunscoileanna sa chás go gcomhlíontar na coinníollacha seo a leanas:

1. Go mbeidh grinnfhiosrúchán an Gharda Síochána curtha i gcrích mar chuid dá n-iarratas ar chlárú leis an gComhairle Mhúinteoireachta.
2. Go mbeidh a gclárú leis an gComhairle faoin mBreisoideachas críochnaithe roimh an 6 Deireadh Fómhair 2023.

Íocfar múinteoirí faoi oiliúint PME atá cláraithe leis an gComhairle Mhúinteoireachta faoin mbealach Breisoideachais ag an ráta neamhcháilithe d'obair ar an gclár samhraidh.

Múinteoirí fochéime faoi oiliúint a earcú

Is féidir le múinteoir faoi oiliúint atá cláraithe leis an gComhairle Mhúinteoireachta faoi Bhealach 5 a bheith fostaithe ag iar-bhunscoileanna.

Íocfar múinteoirí fochéime dalta atá cláraithe leis an gComhairle Mhúinteoireachta faoi Bhealach 5 ag an ráta neamhcháilithe d'obair ar an gclár samhraidh.

Íocfar múinteoirí iarchéime, múinteoirí faoi oiliúint MGO agus Bealach 5 múinteoirí fochéime faoi oiliúint ar an mbealach céanna le baill foirne ionaid.

4. Eolas faoin bhfoireann

Rátaí íocaíochta

Íocfar bainisteoirí, múinteoirí agus Cúntóirí Riachtanas Speisialta a oibríonn ar an gclár as an obair seo bunaithe ar na rátaí a íoctar leo de ghnáth le linn na scoilbhliana, a ráta pearsanta.

Sa chás go nglacann múinteoir páirt sa chlár sa ról CRS gheobhaidh siad an ráta pá CRS.

Rátaí páigh ionaid

Tabharfar luach saothair do mhúinteoirí ar conradh agus do CRSanna as a gcuid oibre bunaithe ar na rátaí a íoctar de ghnáth leo i rith na scoilbhliana .i.a ráta pearsanta. Íocfar ráta pá in aghaidh an lae/uair an chloig le gach duine eile.

Incháilitheacht múinteoirí/CRSanna ar shaoire cheadaithe

Níl múinteoir nó CRS atá ag baint leas as saoire cheadaithe íoctha nó neamhíoctha óna c(h)uid fostaíochta le linn thréimhse an chlár samhraidh incháilithe chun páirt a ghlacadh ann. Mar sin féin, d'fhéadfadh múinteoir nó CRS atá ar shos gairme nó atá ag comhroinnt poist a bheith fostaithe mar mhúinteoir nó mar Chúntóir Riachtanas Speisialta le linn thréimhse an chlár. Is féidir le múinteoirí postroinnte nó Cúntóirí Riachtanas Speisialta a bheith rannpháirteach go lánaímseartha i gclár an tsamhraidh.

Múinteoirí ar scor

Ní féidir le múinteoirí a chuaigh ar scor ar chúiseanna leighis Snáitheanna 1 agus 2 páirt a ghlacadh sa chlár samhraidh.

Féadfaidh múinteoirí a chuaigh ar scor faoi Shraith 3 páirt a ghlacadh sa chlár samhraidh. Tabhair faoi deara, le do thoil, go bhfuil siad faoi réir shrianta na scéime pinsin a rialaíonn a scor.

5. Próiseas Íocaíochta

Bainfidh na scoileanna rannpháirteacha úsáid as córas Esinet na Roinne chun éilimh a chur isteach. Leis sin, beifear in ann éilimh a phróiseáil ar bhonn leanúnach i rith an tsamhraidh.

Déanfaidh an Roinn iarracht amanna íocaíochta a laghdú i mbliana maidir le gach éileamh ar íocaíocht iomlán a chuirtear isteach roimh na spriocdhátaí foilsithe. Próiseálfaidh an Roinn íocaíochtaí le múinteoirí agus Cúntóirí Riachtanas Speisialta de réir mar a chuirtear éilimh íocaíochta chríochnaithe isteach thar thréimhse an tsamhraidh tríd an tairseach Esinet.

Is é an Príomhoide nó an Riarthóir Áitiúil ról Iontrála Sonraí an Chláir Samhraidh agus an Chláir Samhraidh a shannadh laistigh den scoil chun críocha an chláir shamhraidh.

Tá an Bainisteoir an Chláir Shamhraidh freagrach as a chinntiú go gcuirtear tuairisceáin chuí faoi bhráid na Roinne ar spriocdháta foilsithe nó roimhe sin; Ní mór dóibh a chinntiú go n-eisítear sonraí maidir leis an bpróiseas íocaíochta don fhoireann ar fad atá bainteach leis an gclár agus go gcuirtear aon cháipéisíocht teorach ábhartha ar fáil dóibh ón Roinn;

Beidh sé tábhachtach go gcuirfeadh gach éileamh ar íocaíocht isteach faoin spriocdháta foilsithe chun a chinntiú go n-íocfar baill foirne in am. Níor cheart do scoileanna a n-éilimh íocaíochta a chur isteach ach amháin nuair a bheidh a gclár críochnaithe.

Cuirfidh an Roinn treoir agus tacaíocht ar fáil le linn an phróisis. Eiseofar tuilleadh sonraí maidir leis an gcaoi ar féidir éilimh a chur isteach chuig na scoileanna rannpháirteacha in am trátha.

Cuirfidh scoileanna BOO a n-éilimh isteach trí fhoirmeacha éilimh a chuirfidh an Roinn ar fáil.

6. Tacaíochtaí breise

Íocaíocht Deontais don Chlár Samhraidh

Íocfar deontas neamhphá de €45 in aghaidh an dalta in aghaidh na seachtaine le gach scoil atá rannpháirteach sa Scéim Iar-bhunscoile.

Ní féidir an deontas a phróiseáil ach amháin nuair a bheidh ag an scoil ar an tairseach Esinet. Cuirfear treoir iomlán ar fáil do scoileanna maidir le conas an tuairisceán seo a dhéanamh.

Cuirfear tús le hÍocaíochtaí don deontas seo i mí Dheireadh Fómhair 2023 do scoileanna a bhfuil an tuairisceán seo déanta acu. Tabharfaidh scoileanna BOO a dtuairisceán ar líon na ndaltaí mar chuid dá bhfoirm éilimh

Iompar

• Iompar Scoile do Leanaí a bhfuil Riachtanais Speisialta Oideachais Acu (RSO)

D'fhéadfadh seirbhísí iompair scoile do Chlár Samhraidh 2023 a bheith ar fáil do dhaltaí a bhaineann leas as iompar de ghnáth faoin Scéim Iompar Scoile do Leanaí a bhfuil Riachtanais Speisialta Oideachais Acu le linn na scoilbhliana.

Is féidir le teaghlach atá ag baint leas as deontas speisialta iompair le linn na scoilbhliana leanúint ar aghaidh ag déanamh amhlaidh má cheadaítear dá leanbh freastal ar an gClár Samhraidh ina scoil. Íoctar deontais ar an ngnáthbhealach nuair a fhaightear Foirm Ráitis Tinrimh óna scoil.

Nuair a chláraíonn scoil don Chlár Samhraidh ní mór dóibh na nithe seo a leanas a dhéanamh má theastaíonn uathu leanúint ar aghaidh le seirbhísí iompair SEN:

- Nuair a chláraíonn scoil don Chlár Samhraidh gheobhaidh siad nasc chuig foirm iarratais ar iompar scoile.
- Comhlánaigh an fhoirm go hiomlán do gach dalta atá ar iompar SEN faoi láthair (ní gá go mbeadh daltaí a bhaineann leas as Deontas Iompair Speisialta ar an liosta).
- Seol an fhoirm chomhlánaithe ar ais chuig Rannóg Iompar Scoile na Roinne chomh luath agus is féidir chuig SENtransport@education.gov.ie
- Is féidir aon cheist a chur chuig SENtransport@education.gov.ie

Ní mór don scoil gach Foirm Iarratais ar Iompar Scoile a chur isteach roimhe seo 02 Bealtaine 2023 ionas go mbeidh iompar i bhfeidhm do Chlár Samhraidh 2023.

Ba chóir go leanfadh tionlacan a bhfuil orthu cúnamh a thabhairt maidir le Seirbhísí Iompair Scoile RSO atá leagtha amach thuas a íoc ar an ngnáthbhealach.

Ní mhaoineofar ach seirbhísí a fuair cead ón Roinn do thionlacan i rith na scoilbhliana.

• Iompar Scoile Príomhshrutha

Tá sé tábhachtach a thabhairt faoi deara nach mbeidh Scéim Iompair Iar-bhunscoile na Roinne ag feidhmiú ar feadh ré an chláir samhraidh in 2023.

Sa chás go n-aithnítear iompar go dtí agus ó Chlár Samhraidh Iar-Bhunscoile mar bhac ar dhaltaí áirithe freastal ar an gclár, féadfaidh scoileanna a gcuid socruithe iompair áitiúla féin a dhéanamh agus na costais ghaolmhara a éileamh ó Rannóg Chlár Samhraidh na Roinne suas go huasmhéid de €1,750. in aghaidh na seachtaine.

Níor cheart iompar a shocrú ach amháin do na daltaí sin atá ag baint leasa as iompar scoile cheana féin faoi Scéim Iompair Iar-Bhunscoile na Roinne. Tabhair faoi deara le do thoil nach bhfuil ach iompar chuig agus ó chlár an tsamhraidh clúdaithe ag an deontas seo.

Ní mór na nithe seo a leanas a chur in éineacht le gach éileamh maidir le costais iompair:

- na hadmhálacha cuí e.g. fáiltais ó chuideachtaí bus príobháideacha, admhálacha tacsáí;
- ainmneacha na ndaltaí ar soláthraíodh iompar dóibh chuig agus ó chlár an tsamhraidh agus;
- deimhniú go bhfuil siad ag baint leasa as Scéim Iompair Iar-Bhunscoile na Roinne faoi láthair (uimhir aitheantais ticéad bus scoile Bhus Éireann)

agus a chur faoi bhráid schoolsummerprogramme@education.gov.ie nuair a bheidh an clár críochnaithe. Ba cheart gach ceist a bhaineann le socruithe íocaíochta d'iompar príomhshrutha a sheoladh chuig an seoladh sin. Cuirfear tús le híocaíochtaí i mí Dheireadh Fómhair 2023 le scoileanna a chuir an fhaisnéis riachtanach ar fáil.

Sa chás go bhfuil an t-eolas thuas curtha ar fáil ag scoileanna BOO, déanfar a gcostais iompair a aisíoc mar chuid dá n-éileamh foriomlán.

7. Tuilleadh eolais

Cosaint Leanaí

Forálann na nósanna imeachta um chosaint leanaí do scoileanna nach mór do bhoird bhainistíochta ball sinsearach lánaimseartha d'fhoireann chláraithe teagaisc na scoile a ainmniú mar an duine idirchaidrimh ainmnithe (DIA) don scoil. Táthar ag súil gurb é an DIA an príomhoide de ghnáth.

Tá sé de fhreagracht ar an mbord bainistíochta freisin ball eile d'fhoireann teagaisc atá cláraithe go lánaimseartha a ainmniú (ar a dtabharfar an Leas-DIA) chun freagrachtaí an DIA a ghlacadh, in éagmais an DIA. Táthar ag súil, nuair is féidir, go mbeidh an leas-DIA ina leas-phríomhoide ar an scoil de ghnáth.

D'fhonn a chinntiú go gcomhlíontar dualgais a eascraíonn faoi dhualgais éagsúla na scoile faoi Chosaint Leanaí, tá sé tábhachtach nach bhfuil aon mhoill ann maidir le haon imní faoi chosaint leanaí a d'fhéadfadh teacht chun cinn a thuirisciú.

Sa chás gur duine eile seachas an Duine Idirchaidrimh Ainmnithe/Leas-Dhuine Idirchaidrimh Ainmnithe (Leas-DIA) an Bainisteoir an Chláir Shamhraidh, ba chóir teagmháil a dhéanamh láithreach leis an DIA/Leas-DCA chun déileáil le haon imní faoi chosaint leanaí a d'fhéadfadh teacht chun cinn.

Mura bhfuil an DCA/Leas-DIA ar fáil chun teagmháil a dhéanamh leis an mBord Bainistíochta/BOO le linn na tréimhse seo, ba cheart don Bhord Bainistíochta socruithe a dhéanamh chun an Bainisteoir an Chláir Shamhraidh a ainmniú chun dul i mbun an róil ar bhonn sealadach.

Ní mór don bhord bainistíochta an cinneadh seo a dhéanamh agus é a dhoiciméadú go soiléir i miontuairiscí an bhoird. Ní mór ainmneacha an DIA/Leas-DIA gníomhach a chur ar taispeáint go feiceálach ag an mbealach isteach/amach go dtí an limistéar scoile ina bhfuil clár an tsamhraidh ar siúl. Ní mór oiliúint chuí a chur ar an DIA/Leas-DIA gníomhach dá róil sula gcuirtear tús le clár an tsamhraidh.

Tá sé tábhachtach soiléireacht iomlán a bheith ann maidir leis na socruithe atá á n-úsáid agus go mbeadh gach ball foirne lena n-áirítear an DIA agus an Leas-DIA ar an eolas faoi na cúinsí teoranta agus eisceachtúla ina gcuirfear iad i ngníomh.

Ní mór nósanna imeachta a bheith i bhfeidhm lena chinntiú go gcuirtear i bhfeidhm/go gcloítear leis an bpolasaí agus nósanna imeachta frithbhulaíochta le linn chlár an tsamhraidh agus go gcuirtear príomhoide na scoile agus an bord bainistíochta ar an eolas faoi aon imní/teagmhais bhulaíocht.

Gaeilge

I scoileanna lán-Ghaeilge, tá sé tábhachtach gurb í an Ghaeilge teanga oibre agus chumarsáide an chláir shamhraidh.

Treoirlínte Sláinte Poiblí

Ceanglaítear ar scoileanna cláir shamhraidh a oibriú de réir aon chomhairle agus treoirlínte sláinte poiblí atá ann faoi láthair. Foilsítear an fhaisnéis is déanaí ar shuíomh gréasáin FSS ag: <https://www2.hse.ie/ga/conditions/covid19/>

Fad an lae scoile

Ba chóir go mbeadh an t-am a leithdháiltear bunaithe ar amchlár reatha na scoile ó thaobh amanna tosaigh agus deiridh gach lá. Ba chóir do mhúinteoirí am a úsáid ag tús agus ag deireadh an lae le haghaidh pleanála agus athbhreithnithe. Ba chóir do dhaltáí tosú tráth nach déanaí ná 10.00 am agus críochnú tráth nach luaithe ná 3 pm.

Ceisteanna agus Tacaíocht

Is féidir teacht ar gach eolas agus acmhainn oiliúna don chlár samhraidh ag an nasc seo: <https://www.gov.ie/Summerprogramme>

Is féidir gach ceist eile a sheoladh chuig schoolsummerprogramme@education.gov.ie

Tá líne chabhrach don Chlár Samhraidh ar fáil ag 09064 84292, amanna agus dátaí infhaighteachta ar an <https://www.gov.ie/Summerprogramme>

CNOS a chuireann acmhainní ar fáil chun tacú leis an gclár samhraidh scoilbhunaithe. Tacaíonn na hacmhainní le teagascóirí chun eispéiris foghlama tharraingteacha a chur ar fáil do dhaltáí a dhíríonn ar chaidreamh lena scoileanna a chomhdhlúthú, ar thacú le folláine fhisiciúil, shóisialta agus mhothúcháinach, ar athléimneacht a fhorbairt, ar a muinín mar fhoghlaimeoirí a fhorbairt agus ar scileanna agus gnáthaimh a fhorbairt chun tacú le haistriú rathúil chuig an gcéad chéim eile dá scolaíocht. Beidh na hacmhainní ar fáil ag an nasc seo: <https://ncse.ie/summer-programme>